



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 19/804	Løpenr: 19/9520
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	05.12.2019	088/2019

Val av eldreråd 2019 - 2023

05.12.2019 Kommunestyret:

Handsaming i møtet:

Marianne Soleng (avdelingsleiar ved sørvissenteret) orienterte om at Bjørg Solvang har meldt frå om at ho ikkje ønskjer å stilla til val til eldrerådet, og at det som følgje av dette var behov for å finna ein erstattar for ho.

Solveig Vassenden (Bl) sette fram følgjande endringsframlegg:

- *"Karin Børdal Tveit vert fast medlem i staden for Eva Hellevang. Eva Hellevang vert varamedlem.*
- *Anne-Mari Steinsland vert varamedlem i staden for Bjørg Solvang."*

Endringsframlegget til Solveig Vassenden vart samøystes vedteke.

KS- 088/2019 Vedtak:

Eldreråd 2019-2023

Medlemmar	Personlege varamedlemmar
Karin Børdal Tveit (Pensjonistlaget)	Eva Hellevang
Svein Verner Røseth	Inger Karin Totland (Fagforbundet)
Solveig Vassenden (Bl)	Gunnar Bruvik
Solveig Sjursen (Pensjonistlaget)	Anne Mari Steinsland (Pensjonistlaget)
Terje Totland	Ole Totland

Arbeidsutvalet for val av ymse nemnder, råd og utval m.m. sitt framlegg til vedtak:

Eldrerådet 2019-2023:

Medlemmar:	Personlege varamedlemmar:
Eva Hellevang	Bjørg Solvang (Pensjonistforbundet)
Svein Verner Røseth	Inger Karin Totland (Fagforbundet)

Solveig Vassenden (Bl)	Gunnar Bruvik
Solveig Sjursen (Pensjonistforbundet)	Karin Børdal Tveit (Pensjonistforbundet)
Terje Totland	Ole Totland

Dokument som er vedlagt:

Forskrift om kommunale og fylkeskommunale råd for eldre, personar med funksjonsnedsettelse og ungdom

Lov om kommuner og fylkeskommuner (kommuneloven) §5-12

Regjeringa sin veileidar for val av eldreråd

Annonse på kommunen sitt Kommunetorg i Samningen 07.11.2019

Forslag frå Fagforbundet til eldrerådet

Vedk. val av eldreråd 2019-2023

Kva saka gjeld:

Kommunestyret skal før årsskiftet velja medlemmer i eldrerådet for kommunestyreperioden 2019-2023. Det er også kommunestyret som skal avgjera samansetninga av rådet og kor mange medlemmer rådet skal ha.

I kommunestyremøtet 24.10.2019 gjorde kommunestyret følgjande vedtak:

KS- 065/2019 Vedtak:

Eldrerådet i Samnanger i valperioden 2019-2023 skal ha fem medlemmer. Minst ein av desse skal vera kommunestyremedlem.

Val av medlemmer til eldrerådet skal gjerast av kommunestyret 05.12.2019.

Invitasjon til organisasjonar som representerer eldre om å koma med forslag til medlemmer i eldrerådet, skal gjerast ved kunngjering i lokalavisa Samningen og på kommunen si heimeside.

Krav til val av medlemmar i eldrerådet:

- Kvart kjønn må vera representert med minst 40% dersom rådet har fleire enn fire medlemmar.

I noverande kommunestyreperiode, som i tidlegare periodar, er det vedteke at det skal vera 5 medlemmar og 5 varamedlemmar i eldrerådet i Samnanger.

Kommuneloven set inga grense for kor mange periodar ein person kan sitja som medlem i eldreråd.

- Medlemmane treng ikkje vera folkeregistrerte i Samnanger kommune eller i Vestland/Hordaland fylke. Valbarheitskrava i kommuneloven gjeld difor ikkje for val av eldreråd.

I Samnanger har det likevel vore tradisjon for å velja «samningar» som medlemmar og varamedlemmar i eldrerådet.

- Fleirtalet av medlemmane i eldrerådet skal ha fylt 60 år på det tidspunktet eldrerådet skal veljast.
- Jf. vedtak i kommunestyret 24.10.2019 sak 065/19: Minst ein av medlemmane i eldrerådet skal vera kommunestyremedlem.

I Samningen 07.11.2019 vart det sett inn annonse i «Kommunetorget» med invitasjon til organisasjonar om å koma med forslag til medlemmar i eldrerådet. Det kom inn to forslag, frå

Samnanger Pensjonistlag og frå Fagforbundet. Begge forslaga er gjort kjende for arbeidsutvalet for val av ymse nemnder, råd, utval m.m.

Kommunelova sitt krav (§7-2) om skriftleg førehandssamtykke gjeld ikkje ved val av eldreråd.

Rådet vel sjølv leiar og nestleiar.